

Cópia no file
da deputados com A


08/2/2024



PROVEDORIA DOS DIREITOS HUMANOS E JUSTIÇA
Unidade Assistência Jurídica Administrativa e Pesquisa

I. Enquadramentu

Artigo 48 Konstituisaun konsagra direitu atu halo petisaun. Artigu ne'e afirma katak sidadaun hothotu iha direitu atu hato'o petisaun, keixa no reklamasau, individualmente ka koletivamente, ba orgaun soberania sira ka ba kualkér autoridade, hodi defende sira-nia direitu, ne'ebé mak previstu iha Konstituisaun, iha lei ka atu defende interese jerál ruma.

Konstituisaun kosangra direitu petisaun maibé la regula oinsá atu ezerse direitu ne'ebé refere. Tan ne'e mak Deputadu balu foti iniciativa hamosu projetu lei ne'ebé refere. Artigu 97, número 1 hosi Konstituisaun hatete katak iniciativa lei pertense ba Deputadu sira, ba Bankada Parlamentár sira no ba Governu. Karik Deputadu ka Bankada sira ruma mak hato'o iniciativa atu halo lei ruma, inisitiava lejizlativa ne'e ita naran "projeto de lei". Karik iniciativa atu halo lei ne'e mai hosi Governu, ne'e ita hanaran "proposta de lei".

Iniciativa lejizlativa ne'e mai hosi Deputadu balu. Tan ne'e mak ita hanaran "projeto lei". Projetu lei ne'ebé refere define konseitu, regula prosedimentu no estabelese prinsípiu balu ba prosesamentu petisaun, keixa no reklamasau.

II. Kestaun balu ne'ebé identifikadu iha projetu lei laran

1. Projetu Lei ne'e hakarak afasta/altera Lei Defeza Nasionál ne'ebé restrinje/limita direitu atu militár sira hato'o petisaun? (haree artigu 3, número 1; artigu 4; artigu 5, número 1; artigu 6, número 1; artigu 7, número 1).

Número 7 hosi artigu 63 Lei Defeza Nasionál (Lei n.º 3/2010, de 21 de abril, alterada pela Lei n.º 11/2021, de 23 de junho)

"Os cidadãos referidos no presente artigo não podem promover ou apresentar petições coletivas dirigidas aos órgãos de soberania ou aos respetivos superiores hierárquicos sobre assuntos de caráter político ou respeitantes às Forças Armadas".



Projetu lei ne'e hakarak garante mós direitu petisaun ba militár sira ka mantein nafatin restrisaun ne'ebé mak Lei Defeza Nasionál estabelese ona? Lejizladór tenke esklaresé ida-ne'e iha projetu lei ne'e nia laran atu ema laiha dúvida.

2. Pessoas coletivas estrangeiras laiha direitu atu hato'o petisaun? Haree artigo 3, número 2.
3. Artigo 7, número 2: hadia redasaun (*"ofensa ilegítima de interesse legalmente"* protegido?). Presiza aumenta tan liafuan balu atu redasaun iha sentidu.
4. Artigo 10, número 2 estabelese obrigatoriedade atu fornese informasaun hirak ne'ebé refere. Informasaun ida mak enderesu e-mail. Obrigatoriedade signifika katak tenke iha duni. Karik e-mail laiha, ne'e justifikasaun para rejeita petisaun [kompara ho artigo 14, número 1, alínea b); kompara mós ho artigo 19, número 2)]. Presiza reeve norma iha projetu lei ne'e!
5. Artigo 10, número 3 dehan katak petisaun tenke por escrito. Liafuan "petisaun" iha ne'e refere mós ba "keixa" no "reklamasaun" (haree artigo 2, número 3). Bele iha ema ruma ne'ebé mak hakarak hato'o petisaun, reklamasaun ka keixa maibé laiha meius ka la hatene hakerek. Lei tenke akomoda ema hirak ne'e. Ezemplu: Estatutu Provedór nian (Lei número 7/2004, alterada ona ho Lei número 8/2009) hatete katak ema bele hatama keixa oralmente. PDHJ mak sei halo keixa oral ne'e ba forma eskrita. Lei foun ne'e tenke akomoda mekanizmu apresentasaun keixa ka petisaun verbalmente.
6. Artigo 11: Parlamentu la ejiste iha munisípiu sira. Tan ne'e, prezisa iha mekanizmu atu fasilita sidadaun sira hato'o petisaun ba Parlamentu (ezemplu: bele liu hosi autoridade munisipál, depois mak sira hatutan ba Parlamentu). Sidadaun sira ne'ebé iha munisípiu la tenke mai to'o Dili mak foin bele hatama petisaun ba Parlamentu.
7. Kompara artigo 11, número 3 (oras 24 nia laran) ho artigo 12, número 2 (loron sanulu): Mekanizmu hatutan petisaun ne'e liuhosi email hotu maibé diferença prazu ne'e boot demais liu. Prazu oras 24 ne'e parese lais liu tanba tenke konsidera mós loron deskansu semanál nian (sábado no domingo ema la serbisu).
8. Artigo 16, número 1: hadia redasaun: "referido previsto": tenke hili ida de'it: referido ou previsto?
9. Artigo 19, número 1: Petisaun tenke por escrito no por via eletrónica? Hadia redasaun!
10. Artigo 20, número 5: "[...] no artigo anterior". Parese la'ós artigo anteriór maibé artigo 15.



11. Artigu 21, númeru 6 kompara ho artigu 30, númeru 1: reeve fali ida ne'e tanba bele iha keixa ho karáktek konfidensiál. Bele fó perigu ba keisozu/ema ne'ebé ható'o keixa, wainhira divulga ninia identidade ba públiku.
12. Artigu 22, númeru 1, alínea g): La'ós *Provedor de Justiça* maibé *Provedor de Direitos Humanos e Justiça*. *Provedor de Justiça* ne'e ejiste iha Portugal. Refere mós ba Lei sobre Estatutos do Provedor tanba iha mandatu balu Provedór nian la temi iha artigu 27 Konstituisaun laran.
13. Artigu 22, númeru 2: parese limita podér Prezidente Parlamentu Nasionál (PPN) nian tanba buat ki'ik oan mós tenke iha lai solisitasaun ka proposta hosi Komisaun mak PPN foin bele halo: "*a solicitação e sob proposta da comissão*" signifika katak PPN bele halo só wainhira iha solisitasaun ka proposta.
14. Artigu 23, númeru 1: la'ós hahú hosi "reuniaun" maibé hosi "simu" petisaun
15. Artigu 23, númeru 7: hadia redasaun ("sanções previstas", la'ós "sanções previsto")
16. Artigu 23, númeru 7: refere ba artigu 24 maibé artigu 24 ne'e sobre buat seluk. Parese hakarak refere ba artigu 26.
17. Artigu 26, númeru 1: hadia redasaun (la'ós "constituem" maibé "constitue").
18. Artigu 24, númeru 3 konfronta ho artigu 26. Laiha garantia serteza jurídika tanba kritériu atu determina kriminalidade depende ba diliénsia ne'ebé mak la definidu previamente iha lei laran. Karik la halotuir diliénsia ne'ebé mak relatór decide atu halo, ne'e konsideradu nu'udar krime dezobediénsia (haree artigu 26, númeru 1).
19. Artigu 27, númeru 4 konfronta ho artigu 20, númeru 4 no artigu 28: *autor, peticionário e primeiro signatário da petição*? Entre ema hirak ne'e, sé mak tuir loloos sai pontu kontaktu ba entidade resipiente petisaun nian?



Elaborado por José António do R. Soares

iha parte : Unidade de Assistência Jurídica,
Administrativa e Pesquisa (UAFAP)
Dersaun iha PDHJ.

Nú kontaktu : 78436589 ou 77254307
Email : ffatima.dias@gmail.com